



Wadah Wawasan Negara

Jika *The Way Forward* hasil karya Perdana Menteri Malaysia dikatakan suatu visi kepimpinan prihatin dan berwawasan, akhbar sebagai institusi sosial adalah alat penting yang menjadi perakam kepada proses, situasi dan peristiwa yang berlaku dalam masyarakat yang mengalami visi tersebut.

Universiti Putra Malaysia (UPM) dapat berbangga dengan pelancaran akhbar sulungnya yang akan dapat memainkan peranan aktif sebagai alat komunikasi, pendukung visi dan wawasan yang menjadi aspirasi negara. **Tribun PUTRA** adalah Akhbar Universiti yang pertama di Malaysia yang berjaya diterbitkan. Di institusi pengajian tinggi luar negara penerbitan akhbar adalah perkara biasa.

Kehadiran Menteri Pendidikan bertujuan melihat sendiri tentang perkembangan dan pembangunan pesat yang berlaku di UPM, yang menjana masa hadapannya dan penerbitan akhbar ini memaparkan satu lagi bukti kemajuan berterusan yang berlaku di UPM.

'Tribun PUTRA' adalah akhbar yang lahir daripada inisiatif Naib Canselor UPM, Prof. Tan Sri Dr. Syed Jalaludin Syed Salim yang sejak 4 tahun yang lalu tidak jemu-jemu berusaha membawa pem-

angunan dan perubahan dalam usaha beliau menjadikan UPM, institusi yang menjana masa hadapan dan yang paling terkehadapan.

Dalam memainkan perannya sebagai pemerhati dan cermin kepada perkara dan peristiwa yang berlaku dipersekitarannya, sebagai penghubung kepada pelbagai jenis kumpulan masyarakat, dan sebagai pewaris khazanah dan maklumat sosial, akhbar mempunyai hubungan rapat dengan manusia sejak zaman berzaman. Akhbar juga teruji dan terbukti sebagai media cetak yang paling popular walaupun disaingi oleh media elektronik pada masa kini.

Sepeatah kata Tan Sri Razali Ismail semasa beliau menerima ijazah kehormat Doktor Undang-Undang di Universiti Sains Malaysia baru-baru ini, bahawa walaupun dikatakan dewasa ini kita berada di era teknologi maklumat, pada hakikatnya kita berada di era media.

'Tribun' yang membawa maksud penas atau pangung tempat berucap, akan memainkan peranan sebagai wahana penyebaran maklumat terkini, terutama sekali dalam bidang pendidikan, penyelidikan dan pengem-bangan pendidikan. Dengan demikian, perkembangan yang berlaku di UPM akan menjadi telus untuk difahami oleh masyarakat luar kampus.

Ketelusan dan per-cantuman budaya kampus dan luar kampus akan menjadikan kedua-dua golongan masyarakat saling faham-memahami dan hormat-menghormati, tidak seperti mana kiranya UPM sebagai sebuah pusat pengajian tinggi, terasing atau diasingkan.

Tribun akan memberi peluang kepada siswa-siswi memperkukuhkan kemahiran berkomunikasi melalui interaksi penulisan dan pembacaan. Justeru itu, **Tribun** akan dapat merealisasikan hasrat Kementerian Pendidikan dan negara untuk memperluaskan budaya membaca dalam usaha melahirkan masyarakat berfikir atau "The Thinking Society".

Melalui wacana intelektual, individu akan berpeluang menyuarakan daya pemikiran sebagai insan, untuk mencari ketepatan fakta dan kebenaran secara jujur dan terbuka. Dengan cara ini juga masyarakat akan dididik menggunakan kebebasan yang diwujudkan untuk meng-analisa dan mengkritik demi kebaikan bersama.

Dengan penerbitan ini diharap siswa siswi akan menerima konsep sebuah akhbar seorang pelajar, sebagaimana mereka telah menerima konsep sebuah komputer seorang pelajar pada tahun lalu. Akhbar

universiti ini dijadikan cenderamata, yang lebih bermakna oleh siswa siswi yang seramai 30,009 orang dikampus terbesar ini, untuk dihadiahkan kepada rakan dan ahli keluarga masing-masing, supaya isi kandungan **Tribun** dapat tersebar luas. Dalam konteks ini **Tribun** juga diterbitkan dalam bentuk maya atau "virtual/on-line" di ruang siber.

Dengan usaha universiti memasyarakatkan ilmu dan membudaya ilmukan masyarakat, **Tribun** akan dapat melahirkan insan-insan prihatin, akademik dan takwa.

Badan Penerbitan

PANEL PENGURUSAN (MANAGEMENT)

Pengerusi

Prof. Dr. Kamel Ariffin Mohd. Atan

Pengurus Perniagaan

Dr. Iskandar Abdullah

Pengurus Penerbitan

Puan Sumangala Pillai

Pengurus Pentaabitan

En. Kamalul Aripin Musa

Ex-officio

Dr. Hajah Jamalleah Hj. Ismail

SIDANG PENGARANG (EDITORIAL)

Ketua Pengarang

Dr. Hajah Jamalleah Hj. Ismail

Pengawal Penerbitan

Prof. Dr. Shaik Mohd. Noor Alam

Shaik Mohd. Hussein

Timb. Ketua Pengarang & Edisi Digital

Prof. Madya Dr. Sidek Hj. Abd. Aziz

Penyelaras Penulisan

Prof. Madya Dr. Hj. Salleh Hj. Hassan